

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Rrjeti i Agasit / Mes tenderëve të AKSHI-t, pengmarrjes së Meçes dhe sekreteve të SHISH
ADRESA	https://dosja.al/aktualitet/rrjeti-i-agasit-mes-tendereve-te-akshi-t-pengmarrjes-se-mece-s-dhe-sek-i516117
BURIMI	dosja.al
GJENDJA	online

KOHA


KAPUR NGA NE	26 shtator 2026, 08:29:39 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	26 shtator 2026, 08:11:50 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	170c263c49b63db7241cbba960075d9846b8683067b818e97921a70a81ad91fd
TEKSTI	fbe6760f0941e0f9309335e5264fd13902b5652a78b15144c0b73f93f332d29b
PAMJA	6b3c3b85cc69f629ad356216814637ed36ece16063bead78d09be795153788dc

ZINXHIRI I PROVËS

KJO HYRJE	95ef5b896718324a349baec54beb89f39253da3043bfa37fedfd4c0492605c6a
E MËPARSHMJA	—
RRËNJA MERKLE	aeabf4509e171eed592273ece5cddf4aeb2f22a188459bccfd99accd67acf91
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/95ef5b896718324a349baec54beb89f39253da3043bfa37fedfd4c0492605c6a>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



LIVE UPDATES

13 ORE ME PARE

"Shqipëria po përjeton të ardhmen që të tjerët ende po e diskutojnë"/ Rama nga OKB: Algoritmi aktivizoi urrejtjen, qytetarët protestuan kundër një armiku imagjinar izraelit

15 ORE ME PARE

Dita e 118-të e protestës/ Qytetarët zbresin sërish në shesh, kërkohet dorëheqja e kryeministrit Rama: Ju erdhi fundi!

17 ORE ME PARE

"Shqipëria e shqiptarëve është slogan i neveritshëm dhe i turpshëm"/ Rama: SHBA tradhtoi Hashim Thaçin, George Washingtonin e Kosovës

19 ORE ME PARE

Konflikt në Durrës/ Shefi i Policisë së Krujës përplasët fizikisht me pronarin e ish-hotelit "Mira Mare": Nuk e kam kërcënuar, më shau, e shava

Aktualitet

Rrjeti i Agasit / Mes tenderëve të AKSHI-t, pengmarrjes së Meçes dhe sekreteve të SHISH

Zhvillimet e fundit të SPAK, 22 shtator 2026, e kanë zgjeruar këtë hartë deri te strukturat e sigurisë, duke e çuar çështjen në një tjetër nivel me përfshirjen e emrit të ish-drejtores së SHISH, Vlora Hyseni.



26 Shtator 2026, 10:11
Nga E. D



Vlora Hyseni, Ergys Agasi, Mirinda Karçanaj

TIRANË- Ai që nisi si një hetim mbi mënyrën e dhënies së tenderëve të AKSHI-t, tashmë është kthyer në një skemë shumë më të gjerë, ku në fokus nuk janë më vetëm kompanitë private, administrata, grupet e strukturuar kriminale, por edhe mënyra se si këto halka dyshohet se janë lidhur me policinë dhe SHISH-in.

Zhvillimet e fundit të SPAK, 22 shtator 2026, e kanë zgjeruar këtë hartë deri te strukturat e sigurisë, duke e çuar çështjen në një tjetër nivel me përfshirjen e emrit të ish-drejtores së SHISH, Vlora Hyseni.

Përfshirja e saj, ka zbuluar lidhjet me eksponentë të krimit të organizuar, duke shkaktuar një tronditje të vërtetë në themelet e sigurisë kombëtare.

Në qendër të hetimit qëndrojnë Ergys Agasi dhe Ernal Beqiraj, ndërsa në dosje shfaqen emrat e ish-drejtores së AKSHI-t, Mirinda Karçanaj dhe ish-zyrtarit të policisë, Erjon Ismaili.

Është pikërisht zhvillimi i fundit ai që e ndryshon përmasën e dosjes: më 24 shtator 2026, GJKKO caktoi ndaj Hysenit masën "arrest në shtëpi" dhe pezullimin nga detyra.

Sipas SPAK ajo hetohet për përkrahje të autorit të krimit dhe zbulim të të dhënave sekrete.



editoriale

Auron Janku

"Washingtonët" tanë

Eriseld Zeneli

Shqipëria, socializmi i Edi Ramës pa të majtën

Në vëmendje

AKTUALITET 26 SHTATOR 2026, 10:11

Rrjeti i Agasit / Mes tenderëve të AKSHI-t, pengmarrjes së Meçes dhe sekreteve të SHISH

BOTA 26 SHTATOR 2026, 09:28

Sulm kibernetik ndaj FBI-së/ Hakerët pretendojnë se kanë vjedhur të dhënat mjekësore të mijëra agentëve



Nga materialet e publikuara në media së fundmi, të cilat i referohen dosjes së SPAK, pika më e fortë nuk është thjesht pretendimi për një marrëdhënie personale, por intensiteti i komunikimit, natyra e mesazheve dhe fakti që komunikimi ka vijuar ndërsa Agasi ishte në kërkim.

Në dhjetor 2025, SPAK vendosi masa sigurie ndaj disa personave, ndërsa Agasi dhe Beqiraj u shpallën në kërkim.

Më pas, Agasi u arrestua në Shqipëri më 26 gusht, ndërsa Beqiraj u arrestua në Francë në 28 korrik 2026.

Në këtë fazë të hetimit, emri i Mirlinda Karçanajt, ish-drejtoreshë e AKSHI-t, del si një prej zyrtareve që janë në hetim. Ndaj saj u caktua masë sigurie “arrest në shtëpi” në 16 dhjetor 2025, por pas disa javësh masa u ndryshuar në “detyrim paraqitje”.

Si fraksion i dosjes “AKSHI”, prokurorët e SPAK, Altin Dumani dhe Bledar Maksuti, urdhëruan edhe ekzekutimin e dy masave të tjera sigurie, arrestimin e Fatjon Kalluçit, Shefi sektori në Policinë shkencore dhe Embro Sulejmanit, punonjës në shoqërinë “Agroturizëm Kodra e Kuajve” në Durrës.

Kalluçi akuzohet për veprën penale të zbulimit të akteve ose të të dhënave sekrete, ndërsa Sulejmani akuzohet për përkrahje të autorit të krimit.

Por hetimi do të merrte një kthesë shumë më të fortë kur në dosje u fut historia e biznesmenit Gerond Meçe.



Pengmarrja e Gerond Meçes

Më 12 gusht 2025, Gerond Meçe doli nga banesa e tij në Tiranë. Sipas dëshmisë së tij në SPAK, referuar edhe dosjes hetimore, pranë tij u afrua një automjet “Land Rover Defender” me fenelina policie.

Persona të veshur me elementë të ngjashëm me uniformat e policisë dhe BKH-së iu prezantuan si punonjës të drejtësisë dhe i kërkuan të hipte në automjet.

“Jemi SPAK-u, duhet të vish me ne, hyr në makinë”, – i është drejtuar një prej tyre Meçes.

Pak minuta më pas, sipas dëshmisë, ai kuptoi se nuk ishte arrestuar nga autoritetet.

I vendosën një kapuç në kokë dhe automjeti mori drejtimin drejt Kërrabës dhe Elbasanit.

Në orën 10:42:13, automjeti me targë “AC121JJ” fillon të lëvizë, pasi ka marrë me vete edhe shtetasin (i ngjashëm me shtetasin Gerond Meçe).

Pamjet si më poshtë:



BOTA 26 SHTATOR 2026, 09:22

A mund të bëhet Bjellorusia furnizuese kryesore e SHBA-së me potas?

më të klikuarat

“Të q*fsha motrën”/ Shefi i Policisë së Krujës shan qytetarin, ai zbret nga makina dhe e qëllon me shpullë (VIDEO)

VIDEO/ Pamje të rënda nga atentati në Sarandë! Artan Myrtaj vrapon për tu shpëtuar plumbave, autorët e ndjekin dhe qëllojnë në mes të rrugës

“Europa nuk ka arritur ta zbatojë”/ Rama nga SHBA: Paqja kusht politik që zhvillimi ekonomik e bën të mundur

Vodhi 700 mijë €/ Ish-drejtoresha e Postës Durrës i shpëton burgut, gjykata i zëvendëson masën në “arrest shtëpi”

insights

Bledian Koka

I vetmi Kryeminister!

Besmir Semanaj

Kur të bie Diella në kokë

Rezarta Gagani


Përballë pallatit tim po ndërtohet një pallat

Auron Janku

Kur PARTITË harrojnë pse ekzistojnë

Moti

Powered by tomorrow



Në zonën e Gracenit, sipas Meçe, situata u kthye në një kërcënim të hapur. Atij iu kërkua kodi i telefonit dhe më pas iu treguan dokumente që lidhnin drejtpërdrejt pengmarrjen me aktivitetin e tij në tenderët e AKSHI-t.

Bëhej fjalë për procedura për të cilat kompania e tij kishte bërë ankime në Komisionin e Prokurimit Publik.

Kërkesa, sipas dëshmisë, ishte e drejtpërdrejtë: të tërhiqte ankimimet dhe të qëndronte jashtë garës.

Megjithatë, Meçe thotë se e kishte kuptuar që ishte marrë peng, pasi personat në makinë që ishin prezantuar si punonjës të BKH-së, nuk dinin t'i vendosnin prangat në duar.

Vetëm pasi biznesmeni pranoi të heqë dorë nga këto ankime, rrëmbyesit e lanë të lirë, duke e braktisur në një zonë rurale të qarkut të Elbasanit.

Pas 6 orësh pengmarrje, e zbrisin te rrethrotullimi që të çon direkt për në autostradën Tiranë-Elbasan, në afërsi të Bradasheshit dhe njëri prej tyre i thotë: "Nuk dua probleme nga ty, nuk dua denoncime nga ty, në të kundërt do të vrasim ty, grua, motër, nënë. Se baba ti nuk ke".




Çfarë dyshon SPAK-u

SPAK dyshon se pengmarrja ishte pjesë e mekanizmit për eliminimin e një rivali në procedurat e prokurimit.

Në këtë linjë hetimi janë përmendur Agasi dhe Beqiaj, ndërsa hetuesit kanë kërkuar të përcaktojnë edhe rolin e personave të tjerë.

"Në momentin që ankimimet e shtetasit Gerond Meçe, në cilësinë e ortakut të shoqërisë 'Advanced Business Solutions-ABS', krijuan një mekanizëm bllokues për përfundimin e procedurave të prokurimit pranë AKSHI-t, ai u mor peng forcërisht, duke e detyruar të heqë dorë nga të gjitha procedurat e ankimuarat", – shpjegon SPAK në dosje.





SPAK sqaron se heqja dorë e Meçes nga ankimimet, pranë KPP-së, do t'i krijonte lehtësira të konsiderueshme Agasit dhe Beqirajt me qëllim vijimin e aktivitetit kriminal në fushën e prokurimeve publike, i cili ishte pezulluar në disa raste për shkak të ankimimeve të bëra në KPP nga shoqëria "Advanced Business Solutions-ABS".

"Nga këqyrja e pamjeve filmike, arsyeshëm, krijohet bindja, mbi lidhjet me interes që kanë këta shtetas me njëri-tjetrin, të cilat, nga analizimi i përmbajtjes së bisedave të transkriptuara, krijon dyshimin e arsyeshëm mbi realizimin e një skeme kriminale në funksion të paracaktimit të procedurave të prokurimit, krijimin të avantazheve dhe përfitimit të paligjshëm prej tyre. Kjo vihet re në disa nga bisedat e kryera, ku diskutohen çështje si "projekti bën 2 milionë, ne do ta bëjmë 4", ose "Nuk futet as në eksperiencë", të cilat kanë të bëjnë me përcaktimin e kriterave të procedurave të prokurimit, vlerave të kontratave që do të publikohen etj", – thekson SPAK.

Gjithashtu, nga deklaratimet e shtetasit Gerond Meçe, jemi njoftuar mbi faktin se shtetasi Erjon Ismaili (me detyrë zëvendës drejtor i Drejtorisë Vendore të Policisë Tiranë), i ka kërkuar "të rrijë larg AKSHI", fakt ky i cili përputhet gjithashtu dhe me rezultatin e pamjeve të këqyrura në zyrën e shtetasit Ergys Agasi, pra se këta të fundit kanë lidhje shoqërore dhe interesa të përbashkët. Nga këqyrja e

162

pamjeve filmike të sekuestruara në zyrën e shtetasit Ergys Agasi, evidentohen shumë takime mes tij dhe shtetasit Erjon Ismaili.

Pse del në dosje Erjon Ismaili?

Një tjetër hallkë është ajo e policisë. Gerond Meçe ka deklaruar se, përpara pengmarrjes, zv/drejtor i Policisë së Tiranës, Erjon Ismaili, i pezulluar nga detyra, i kishte përcjellë një paralajmërim që të qëndronte larg tenderëve të AKSHI-t.

Pikërisht kjo dëshmi është përdorur për të hetuar lidhjet e Ismailit me grupin e dyshuar. Në dhjetor 2025 ndaj tij u raportua masë pezullimi nga detyra.

Kështu, sipas akuzave, skema nuk kufizohej vetëm te kompanitë që konkurronin për kontratat publike. Në dosje shfaqet një trekëndësh: biznes – administratë – polici.

Në dosjen e SPAK, thuhet se në faqen numër 31 të materialit, konstatohet biseda mes shtetasve Ergys Agasi dhe Ermal Beqiraj, ku diskutohet për dy tenderë për procedurë, si dhe përmendet kompania "ABS" e Meçes.

Nga kjo bisedë, rezulton se personat nën hetim, janë të shqetësuar për praninë e kompanisë "ABS" me ortak Gerond Meçen.





Nga AKSHI, te Vlora Hyseni

Pikërisht këtu nis kapitulli i ri i dosjes. Materialet e sekuestruara nga hetuesit gjatë hetimit ndaj Agasit, ku një rol kyç ka pasur zbërthimi i telefonit pas arrestimit të tij në Durrës, kanë çuar në komunikime të shumta me drejtuesen e SHISH, Vlora Hyseni.

Sipas materialeve të publikuara nga media që u referohen dokumenteve të SPAK/GJKKO, bëhet fjalë për qindra komunikime telefonike, mesazhe dhe videocall-e mes tyre gjatë periudhës kur Agasi ishte në kërkim.

Një pjesë e komunikimeve datojnë nga fundi i qershorit deri në ditët para arrestimit të tij më 26 gusht 2026.

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.